

腎膀胱部

耳聾

暴聾

耳鳴

耳腫痛

停耳

虫入耳

骨

牙齒痛

齒搖斷露

牙銹牙不生

欠噫

欠伸

嚏

身體拘急

夢遺

白濁

恐

八卷
四拾冊

醫學綱目

卷九



醫學綱目卷之二十九

腎膀胱部

耳聾

暴聾

耳鳴

耳腫痛


停耳

虫入耳

大法

保夫耳者以竅言之水也以聲言之金也以經言之手足少陽俱會其中也有從內不能聽者主也有從外不能入者經也有若蠅鳴者若鐘鳴者有若火煇煇狀者各隨經見之其間虛實不可不察也假令耳聾者何謂治肺肺主聲鼻塞者肺也何謂治心心主真如推此法皆從受氣於始腎受氣於巳心受氣於亥肝受氣于申肺受氣于寅脾受氣於四季此治法皆生長之道也

羅經曰精脫者則耳聾夫腎為足少陰之經乃藏精而氣通於耳耳者宗脈之所聚也若精氣調和則腎藏強盛耳聞五音若勞傷氣血兼受風邪損於腎藏而精脫者則耳



耳聾面頰黑者腎虛

聾也然五臟六腑十一經脈有絡於耳者其陰陽經氣有相併時并則藏氣逆名之曰厥厥氣相搏入於耳之脈則令聾其腎病精脫耳聾者其候頰頰色黑手少陽之脈動則氣厥逆而耳聾者其候耳內渾渾焯焯也手太陽厥而耳聾者其候聾而耳內氣滿也宜以燒腎散主之保命集云耳以竅言之腎水也經云腎主耳左藏為腎左竅為耳又云腎氣通于耳腎和則耳能聞五音矣又云精脫者耳聾故羅謙甫以精脫耳聾之候為頰頰色黑也

燒腎散治耳聾寶鑑方無巴戟

磁石一兩煨醋

附子一兩炮去皮脂

巴戟一兩

川椒一兩去目及閉者微炒去汗

右為散每服用猪腎一枚去筋膜細切葱白韭白各一錢入散藥一錢鹽花一字和勻用濕紙裹於渣灰火內

煨熟空心細嚼酒解薄粥下之十日效衍義云磁石血者用

嚴從容九治腎虛耳聾或風邪入於經絡耳內虛鳴

山茱萸酒浸切焙

山茱萸核去

石龍芮

石菖蒲

兔絲子酒浸蒸焙

羌活去

鹿茸去毛酒蒸

石斛去根

磁石煨醋焙

附子炮去皮脂

全蝎去毒七個

麝香一字旋入

右為末煉蜜丸桐子大每服一百丸空心鹽酒鹽湯任下

取治腎氣虛損耳聾用鹿腎一對去脂膜切於鼓汁中入粳米二合和煮粥入五味如法調和空腹食之作羹及酒並得

本地黃湯治腎熱聽事不真方見後風熱條

耳聾必
氣隘乾
者肺虛

右方用地黃磁石為君補腎虛有熱之劑也
垣藏氣法時論云肺虛則少氣不能報息耳聾盛乾註云
肺之絡會于耳中故聾此說非也蓋氣虛必寒盛則氣血
俱滯滯而不行也耳者宗氣也肺氣不行故聾也
無蠟彈丸治耳虛聾

白茯苓兩 山藥炒三 杏仁炒一兩半
去皮尖

右三味研為末和勻用黃蠟一兩鎔和為丸如彈子大

鹽湯嚥下有久止以黃蠟細嚼點好建茶送下亦效

茯苓杏仁皆入於太陽山藥大補陰氣惟杏仁利氣
乃補中有通也少氣益乾者門冬人參五味湯嚥下

耳聾多
恐者肝
虛

經云肝虛則目眈眈無所見耳無所聞善忘治法用四物
湯加防風羌活柴胡葛蒲茯苓神等分煎湯服二十餘帖却
用杜壬姜蝎散開之本草云肝虛則生薑補之是也
世治耳聾九節菖蒲去鬚切小塊十兩蒼米十兩水合浸

氣逆上
聾

於瓦罐中七日取出去蒼米單用葛蒲晒乾於糯米飯上
蒸熟晒乾為末糯米飲調食後臨臥服效

丹木病後耳聾須用四物降火 陰虛火動耳聾者亦如
之 氣逆耳聾有三肝與手太陽少陽也經云肝氣逆則

頭痛耳聾不聰頰腫又云太陽所謂浮為聾者皆在氣也

羅謙甫云手太陽氣厥而耳聾者其候耳內渾渾焯焯此皆氣逆而

手少陽氣厥而耳聾者其候耳內渾渾焯焯此皆氣逆而

聾也治法宜四物湯吞龍會丸降火及復元通氣散調氣

是也

丹耳聾必用四物龍會養陰 復元通氣散治氣逆耳聾

腹方見

丹耳聾有濕痰者栝榔神芎丸下之

大黃 黃芩各二 牽牛 滑石各四

膈有痰
滯者下

風熱

加檳榔

滴水丸每服十九每次加十九白湯下

耳聾皆屬於熱少陽厥陰熱多宜開痰散風熱通聖散滾痰丸之類耳因鬱熱以通聖散內加大黃酒煨再用酒炒三次後入諸藥通用酒炒

羅犀角散治風毒壅熱胃心痰滯兩耳虛聾頭重目眩神效

犀角屑

甘菊花

前胡去

枳殼麩炒

菖蒲

羌活

澤瀉

木通

生地各半

麥門冬去心甘草炙

右為散每服三錢水煎食溫服

疾神散治上焦風熱耳鳴聾鳴四肢滿急昏悶不利

疾神散

羌活

柴胡

蔓荆子

薏苡仁

防風去

菖蒲

五味子

黃芪各半

甘草炙

麥門冬去心薄荷行

右十二味為末每服三錢入生姜三片煎至五分食後溫服

治男子二十歲因瘡毒後腎經熱右耳聽事不真每心中拂意則轉覺重虛鳴疼痛地黃湯

生地半

枳殼

羌活

桑白皮炙

磁石搗碎水淘三二十次去赤泥為度

甘草各半

防風

黃芩

木通

右為粗末每服四錢用水煎至去渣日二三服不拘時候

無姜蝎散治耳聾因腎虛所致十年內服愈

乾蝎四十九個去毒

洗焙去風熱

生姜切片如蝎大四

風

右二味銀石器內炒至乾為細末向晚勿食夜吐酒調
作一服至二更以來徐徐盡量飲五更耳中聞百千擗
聲響便自此有聞一法五更農煎葱白湯一盞服先二
日服黑錫丹効又蠟先用糯米半升
同炒又用姜四十九片放
蠟上同炒去米姜不用

十治耳聾酒三升漬牡荊子二升碎之浸七日去渣任性
服盡雖三十年亦瘥

耳急金匱真
言論

虛寒並見虛
實條

運氣耳聾有四

- 一曰濕邪傷腎三焦聾經云太陰在泉濕淫所勝民病耳
聾渾渾惇惇治以苦熱是也
- 二曰燥邪傷肝聾經云歲金太過燥氣流行肝木受邪民
病耳聾無所聞是也

雜方

三曰火邪傷肺聾經云歲火太過炎暑流行肺金受邪民
病耳聾是也

四曰風火炎擾於上聾經云少陽司天之政風熱參布雲
物沸騰民病聾聵三之氣炎暑至民病熱中聾聵治以寒
劑是也

本治耳聾用鼠膽一個滴入耳中三次立効

勝治耳聾立効以乾地龍入鹽貯在葱尾內為水點之

千治耳聾以綿裹蛇膏塞耳中神効

世治耳聾久不聞者

緊磁石如荳
末一字川山甲燒存性為
末一字

右用新綿裹了塞於所患耳內口中御少生鐵覺耳內
如風雨聲即愈 甘草甘遂各半寸綿裹包挿入耳內
又將甘草嚼之即通妙

羅通神丹治耳聾

阿魏

巴菴仁

安息香

桑白皮各錢半

硃砂分五

大蒜

草麻子仁略十

右為細末入二仁與蒜同搗爛為丸如棗核大每用一丸綿裹內耳如微痛則出

世治耳聾久不効者

大蒜一瓣一頭搗一坑子用芭荳一粒去皮膜慢火炮去極熱入在蒜內用新綿裹定塞耳中不過三次効

治耳聾草麻子五十粒去皮束子一箇同搗丸如棗核大更入小兒乳汁和每用一丸綿裹塞耳中覺熱為度一日一換

千治耳聾用骨碎切削作細條火炮乘熱塞耳本草云骨碎補破血

治折傷有奇効

外治耳聾以杏仁七箇去皮拍碎三分以綿裹於中着鹽如小豈許以器盛於飯甑中蒸之候飯熟取出於患人側臥將一裏捻油汁滴入耳中久之又以一裏依前法捻滴之

世又方用雄猫尿滴入耳中左滴左右滴右如猫不能放尿用姜擦其齒即有

針灸

針灸耳聾有五法

其一取手足少陽手陽明經云耳聾取手小指次指爪甲上與肉交者先取手後取足又云三焦手少陽之脈是動則病耳聾渾渾焯焯視盛虛熱寒陷下調之也又云聾而不痛者取足少陽聾而痛者取手陽明又云耳聾刺手陽明不已刺其通脈出耳前者

其二取手陽明絡經云手陽明之別名曰偏歷去腕三寸
 別入太陰實則鬪鬪取之所別也又云邪客手陽明之絡
 令人耳聾時不聞者刺手太指次指爪甲上去端如韭葉
 各一痛立聞不巳刺中指爪甲上與肉交者立聞其不時
 聞者不可刺也左刺右右刺左
 其三取手太陽經云手太陽之脈所生病者耳聾目黃頰
 腫視盛虛熱寒陷下調之也又云耳聾無聞取耳中是也
 其四取肝經云肝虛則目眈眈無所見耳無所聞善恐取
 其經厥陰少陽氣逆則頭痛耳聾不聰頰腫取血者是也
 其五取肺經云肺虛則少氣不能報息耳聾隘乾取其經
 太陰足太陽之外厥陰內血者是也
 耳有膿不可刺經云耳痛不可刺者耳中有膿若有乾膜
 取聾耳無聞也

竹治耳聾用蒼朮一塊長七分將一頭削尖一頭截平將
 米頭插耳內於平頭上安筋頭太艾炷灸之聾輕者七壯
 重者十四壯如覺耳內有熱氣者效

耳聾耳鳴或疼或痒或停耳
入半寸 瀉入吸 翳風 瀉針入半寸 合谷 三里
 听会在耳珠前陷中

又法 翳風
在耳後陷後按之引耳中令病人先以手
 閉口搖頭其 听会 法如 怒氣從耳出 听会 前

世又法 中渚 唐泣

耳聾兩顛顛痛中渚主之 耳焯上渾上無所聞外開

主之 頭重頭痛引耳中膿上嘈和筋主之 聾耳中

癩漫者若風狀听会主之 耳聾填上如無聞膿上

嘈若蠟鳴听官主之 聾翳風及余宗下空主之 耳
 聾嘈無所聞天容主之 聾耳中不通合谷主之 耳

診

虛邪

聾無聞乃客主之
脈病若耳聾脈反浮大而澁者死千金翼云脈大者生沉逆細者難治
少陽終者耳聾百節及縱目系絕診生死

暴聾

羅夫卒耳聾者由腎氣虛為風邪所乘搏於經絡隨其血脈上入耳正氣與邪氣相搏故令卒聾也

暴聾皆是厥逆之氣經云暴厥而聾偏寒閉不通內氣暴薄也又云少陽之厥暴聾是也

雜方

羅蒲黃膏治卒耳聾

細辛

蒲黃各二

麩末

杏仁湯浸去皮尖

右為末研杏仁如膏和檢如栗核大綿裹塞耳中日一易以差為度

又方龍腦膏

龍腦半分

椒目半兩

杏仁一分湯浸去皮

右件搗研合勻綿裹栗核大塞耳中日一易

世蜀椒巴荳萹蒲松脂以蠟溶為筒子內耳中抽腎虛氣耳中如風水之鳴或如打鐘鼓之聲卒暴聾日一易神效

治耳暴聾

雄黃一分

巴荳一個去殼

右研細用葱涎和作一錠子紙捲定塞耳中

丹治耳暴聾凌霄花葉粹自然汁滴耳中差斗門云本草

補陰甚捷

暴聾氣蒙耳自不明取天牖寒熱

甲卒氣亂聾四瀆主之

針灸

虛

耳鳴 與耳聾相參用之

丹馮官人左耳鳴此勞得之法當補陰而鎮墜之

黃芪

人參

當歸

陳皮

茯苓

升麻

酒栢

防風

甘草

芍藥

分十貼食前執服飲了去眠下覺

耳中闕上然是無陰者

右陰虛耳鳴經云液脫者腦髓消胫瘦耳數鳴是也

羅治腎虛耳鳴夜間睡着如打戰鼓覺耳內風吹更四肢

抽掣痛黃芪丸

黃芪

白蒺藜

羌活

黑附子

羯羊腎

右細末酒糊丸桐子大每服三四十九空心食前煨葱

實熱

鹽湯下

素太陽所謂耳鳴者陽氣万物盛上而躍故耳鳴也

丹耳鳴因酒過者用太劑通聖散加枳殼柴胡太黃甘草

南星桔梗青皮荆芥如不愈用四物湯耳聾必龍蒼丸

食後服氣實人楨柳神芩丸下之

垣柴胡聰耳湯治耳中聾耳鳴耳聾

柴胡

連翹

甘草

菖蟲

水蛭

麝香

歸身

人參

右除菖蟲水蛭麝香另研外用水煎熟去渣方下三末再

上火煎一二沸稍執食後服

運氣耳鳴皆屬風火經云厥陰司天風行太虛雲物搖動

目轉耳鳴三之氣天政布氣乃特舉民病耳鳴又云厥陰

之脈耳鳴頭眩又云少陽所至為耳鳴治以涼寒是也

運氣

汚血

雜方

耳鳴無晝夜用烏頭燒灰苴蒲等分末之包裹綿塞耳
中立効楊氏

治耳鳴如流水聲耳痒及風聲不治久則成聾用生烏
頭一味搗得乘溫削如枣核大塞耳中日夜一易不過三
且愈

針灸

治耳中常鳴生地截塞耳數易之以瘥為度

黃帝曰人之耳中鳴者何氣使然岐伯曰耳者宗脈之
所聚也故胃中空則宗脈虛則下溜脈有所竭者故耳
鳴補客主人手大指爪甲上與肉交者也百問

灸刺耳鳴補法有三此其一也又經云上氣不足耳為之
苦鳴補足外踝下留之者三也又云腦為髓之海其輪上
在百會下在尻府髓海不足則腦轉耳鳴審守其輪調其
虛實者也

取法有二經云耳鳴取耳前動脈者一也又云耳鳴取手
中指爪甲上左取右右取左先取手後取足者二也取謂
視虛實調之也

却刺有一經云手太陽之筋其病有聾引頸而痛耳中鳴
其痛轉筋者治在燔針劫刺之以知為度以痛為輸者是
也

世耳虛鳴 腎俞 太谿

耳痛聾鳴上關主之刺不可深 耳聾鳴下關及陽谿
關衝掖門陽谷主之 耳聾鳴頸頰痛耳門主之 耳鳴
无聞肩貞及完骨主之 耳中生風耳鳴耳聾時不聞商
陽主之 耳鳴百會及頤厭頤息天窓太凌偏歷前谷後
谿主之
心脈微瀼為耳鳴癩疾全文見治
虛實法

診

熱

耳腫痛

丹金尚五郎耳腫痛黃水出而臭

桔梗

麻黃

羌活

大黃酒炒

木通

甘草

黃芩炒

右分三貼熱服

耳濕腫痛用涼膈散加酒炒大黃七苓酒浸防風荆芥羌

活服之更以腦多麝少溫加枯礬吹入耳中

血熱

犀角飲子治風熱上壅兩耳聾閉外腫痛及膿水流

出

犀角鎊

葛蒲

木通

玄參

赤芍

赤小豆

甘菊花去梗各

甘草半兩

右吹咀每服四錢用水三盞生姜五片煎八分溫服不

狗時

無解熱飲子治氣虛熱壅耳內聾閉微痛膿血流出

赤芍

白芍各半

當歸

甘草炙

大黃蒸

木鱉子

右為剉散每服四錢水一盞煎七分食後歸臥服謹此

清涼飲子

運氣耳痛皆屬熱經云少陽之勝耳痛治以辛寒是也

雜方

羅葛蒲挺子治耳中痛

葛蒲兩

附子炮去皮

右為細末每用不以多少油調滴耳內効下法用醋

如杏仁大綿裹置耳中日三易下法搗葛蒲自然汁灌

耳神効

又方治耳痛用食鹽不以多少炒熟用東莖蒸熟青花布

包定枕之立効如神

世又用油胡荽肉為末狗胆汁和為丸如桐子綿裹安耳中痛立止

肘療耳內卒腫痛出膿水不止方礬石燒灰加麝香以筆管吹耳內日三四度

停耳

羅耳者宗脈之所聚腎氣之所通足少陰之經也若勞傷氣血熱氣乘虛入於其經邪隨血氣至耳熱氣聚則生膿汁故謂之停耳也

紅綿散治停耳出膿

白礬

胭脂

右研勻先用綿杖子纏去耳中膿及黃水盡即用別綿杖子引藥入耳中令到底搽之即乾如壯盛之人積熱

温

上攻耳中出膿水不瘥用無憂散送雄黃丸酒三四五行瘥一方單用白礬灰吹入耳中且三次立効

松花散治停耳膿水不絕宜用此方

白礬

麻勃

木香

松脂

花胭脂

右搗羅為末每用時先以綿子淨拭後用藥吹入耳內効

白蓮散治停耳出膿汁

白礬

烏賊骨

黃連

龍骨

右搗羅為末以綿裹如東核大塞耳中且三日之

無麝香散治停耳耳底膿出

桑螵蛸

麝香

右為末研令勻每用半字糝耳如有膿先用綿杖子搽

風

寒

熱

乾下法用射香少黃丹
乾多研內入耳立效

世治瘧耳膿出不止用五倍焙乾二兩及全蝎燒灰存性
三錢為末摻耳中

丹耳爛用皂母研末乾摻之

羅餘禹粮九治瘧耳有膿水塞耳

餘禹粮一兩燒醋

烏賊魚骨 金底墨

伏龍肝 附子一枚去

右件搗羅為末以綿裹如皂角子大內耳中且再易之
如不瘥者內有虫也

世石菖蒲一寸巴荳一粒去皮全蝎一枚為末葱涎和如
束核大綿裹塞耳中

治耳熱出汗

滑石

爛石膏

天花粉

防風各一

雜方

右用腦子少許同研為末摻耳中

世治瘧耳膿不止陳橘皮燈上燒灰為末麝香少許二味
和勻每用少許先用綿拭耳中膿淨却上藥 又方杏仁

泥治耳中病或有水出杏仁炒令黑為末葱涎搜和如事
核大綿包塞耳

虫入耳

雜方

世治虫入耳用椒末一錢醋半盞浸良久少滴耳中虫
自出方金

世治虫入耳不出桃葉搗爛塞耳中自出

無治百虫入耳用麻油灌之即効

山諸般惡虫入耳搗韭汁灌之

本治諸虫及虱等入耳用白膠香一味燒烟薰入耳令耳

孔內暖虫自出妙

羅治蟻入耳以大韭搗汁灌耳中 又方以鯪鯉甲燒灰
為末以水調濾過滴入耳中即出 又方蜈蚣及蟻入耳
用猪脂一指大家令香安耳邊即出 治蜈蚣入耳用豕
猪肉掩兩耳即出

木治飛虫入耳用好酸米醋一味滴入耳內虫必出不
即死曾有一人被焦虫入耳其虫口硬如鉄但身軟用此
藥滴之立死而出

羅治飛蛾入耳以鷲管極氣吸之出 或擊銅器於耳邊
即出

木治蜒蚰入耳用半夏生為末麻油調塗耳門外虫聞香
即出

羅治蜒蚰入耳方用濕生虫研如泥攤紙上搥成抵條安
耳內自出 又方用蝸牛虫去殼研爛滴水五七點再研

勻灌耳內自出無活者尋乾者研亦可

山 蜒蚰及諸般虫入耳麻油灌入或用生葱汁生姜汁亦
可

食 蜒蚰入耳以羊乳灌入即成水

海 蜒蚰入耳以牛酪灌耳中須更出如入腹即飲酪二升
自消為水

千 治耳中有物不出以細麻繩剪令頭散蘸好膠入耳中
着物上粘之徐徐引出

經 治水入耳以薄荷汁點立效

腎主骨

骨度

腎主骨在軀為骨在藏為腎又云腎之合骨也其榮髮也
又云少陰者各脈也伏行而濡骨髓者也
一身骨度之長短見陰陽表裏條

髓空在腦後五分在顛際銳骨之下王註云是謂風府通腦中也

一在斷基下王註云當顛下一在項後中復骨下王註云在項後中

一在脊骨上空在風府上王註云上謂脊骨下

空在尻骨下空林億云長強在脊數髓空在面俠鼻王註云

云顛膠或骨空在口下當兩肩王註云大兩髓骨空

在臂中之陽王註云近臂骨空在臂陽去踝四寸兩骨

空之間王註云在支溝上同身股骨上空在股陽出上

膝四寸王註云在陰市上伏肱骨空在輔骨之上端王註

謂續鼻股際骨空在毛中動下尻骨空在髀骨後相

去四寸王註云八扁骨有滲理湊無髓孔易髓無空俱

空篇王註云扁骨謂宛間扁庚骨也其骨病忌食甘苦久立經云多食甘則骨痛而髮落又云苦

走骨骨病無多食苦又云久立傷骨是也

骨病不屈經云手屈而不伸者病在筋伸而不屈者病在

骨在骨守骨在筋守筋也

牙齒痛 齒搖斷露 牙蛀牙不生

垣夫齒者腎之標口者脾之竅諸經多有會於口者其牙齒是手足陽明之所過上斷隸於坤土乃足陽明胃之所脈所貫絡也止而不動下斷嚼物動而不休手陽明太腸之脈所貫絡也手陽明惡寒飲而喜熱足陽明喜寒而惡熱故其病不一牙者腎之標亦喜寒寒者堅牢痛熱甚則齒動齟齬祖脫作痛不已故所治療不同也有惡熱而作痛者有惡寒而作痛者有惡熱而作痛者有惡寒而作痛者有惡寒飲少熱飲多而作痛者有惡熱飲少寒飲多而作痛者有牙齒動搖而作痛者有齒祖而作痛者有齒斷為疳所蝕缺少血出而作痛者有齒斷腫起而作痛者有脾胃中有

風邪但覺風而作痛者有牙上多為虫所蝕其齒缺少而色變為虫牙痛者有胃中氣少不能於寒祖露其齒作痛者有牙齒疼痛而穢臭之氣不可近者痛既不止豈可一藥而盡之哉

牙大痛必用胡椒草撥能散其中浮熱監以升麻寒水石佐以辛涼薄荷荊芥細辛之類

得清涼
痛甚者
為寒

草撥 川椒 薄荷 荊芥
細辛 樟腦 青鹽

右為末擦牙上

潔治牙寒疼

露蜂房

小椒 去目炒
各等分

右為粗末煎漱禁語言

垣牢牙地黃散治牙齒寒痛

麻黃

黃連

羊脛骨灰 各一

升麻 各一

草薺 薤皮 各一分

吳茱萸 各二

益智仁 各四分

歸身 各四分

藁本 各二分

防已 各二分

生地 各五分

人參 各五分

熟地 各五分

羌活 各三分

黃芪 各五分

白芷 各五分

右為細末擦牙上无漱口淨然後用藥

世治牙痛百藥不効用荔枝殼燒灰存性擦牙痛處累驗

云荔枝核亦可

外治牙痛獨囊蒜煨乘熱截用頭以熨痛止轉易之亦治

虫痛

丹齒痛茱萸酒煎食之

口吸凉風痛止

者為熱痛不可忽須騎馬外行口吸凉風則痛止至家則痛復作

家人以為祟祈禱於巫師而不能愈遂求治於先師問其
故曰此病乃濕熱而邪也足陽明貫手少陰手陽明貫于
下齒陽明多血多氣又加以膏粱之味助其濕熱故為此
痛因立一方不須騎馬當冷風寒之氣常生於齒間以黃
連梧桐律之苦寒新薄荷葉荊芥穗之辛涼四味相合而
作風寒之氣治其濕熱更以升麻之苦平引入陽明經為
使牙齒骨之餘以羊脛骨灰補之為佐麝香少許入內為
引用為細末擦之神妙又以調胃承氣去芒硝加黃連以
治其本服之下三五日其病良愈不復作
清胃湯治因服補胃熱藥致上下牙疼痛不可忍牽引頭
腦滿面發熱大痛陽明之別絡入腦在本經十喜寒惡熱
乃手陽明經中熱盛而作其齒喜冷惡熱
地黃生三分 升麻一分 牡丹皮五分 歸身三分

棟黃連六分不好加二分夏倍之
右五味同為細末頓作二服水煎至一半去渣候冷細
哈之即效

丹陽明熱牙疼

大黃燒存性 香附燒存性

右為末入青鹽少許無時擦之

草淳子意醫藥中 大夫病齩齒灸左手陽明脈苦參湯日
漱三升五六日愈

丹卒牙痛苦竹一莖燒一頭得汗多者指痛處立安姚氏

經患牙痛含山荳根一片於痛處

廣治牙齒疼痛取槐樹白皮一握切作一升煮去渣著鹽
少許適溫寒食之日三易

丹當歸龍胆散治寒熱牙痛

寒熱皆痛者為

升麻 麻黃各一
生地 白芷
羊脛骨灰各五
草龍胆 黃連各一
歸稍分 草薺各一

右為細末擦之神效

益智木律散治寒熱牙疼

草薺 二各 益智
歸身 熟地
羊脛骨灰各五
木律分 升麻錢

黃連分四

右細末擦之如寒牙疼不用木律
草薺散治寒多熱少牙齒疼痛

草薺 二各 黃連 升麻錢 細辛葉
防風各二 熟地 羊脛骨灰各五
歸身分七

右件為細末牙痛處擦之

立効散治牙齒痛不可忍及頭腦項背痛微惡寒飲大惡
熱飲其脈上中下三部陽虛陰盛是五臟內盛六腑陽道
脈微小小便滑數立効

防風 升麻 甘草 細辛
草龍胆 酒洗 升麻 甘草 細辛

右吹咀頓作一服水二大盞煎至一盞去渣以匙擦在
口中煤痛處少時立止如多惡熱飲更加龍胆草一錢
此法不定隨寒熱多少臨時加減如更惡風作痛加草
薺黃連各五分勿加龍胆草

垣 細辛散治寒邪風邪犯腦痛齒亦痛
麻黃 去節 桂枝 羊脛骨灰各二
羌活 半錢 草薺 半錢 柴胡 升麻

腦連頭
者外犯
大寒

防風 白芷各二分 藁本 蒼朮各三分

歸身分四 細辛分四

右為細末先嗽後擦之神效

白芷散治大寒犯腦牙齒疼痛

麻黃節去 草薺各一錢半 黃芪 桂枝各二分

吳茱萸 白芷各四分 藁本分 羌活分

歸身 熟地各五分 升麻錢一

右為細末先用水漱洗以藥擦之

蝎稍散治大寒犯腦牙疼

麻黃去節 桂枝 歸身 柴胡

白芷各二分 升麻 防風 藁本

黃芪各三分 羌活五分 羊脛骨灰二分

草薺皮一 蝎稍分

右為末用如前法

垣神功丸牢牙散調胃承氣減硝加黃連諸方皆治平昔

多食肉人口臭牙齒動搖欲落或血出不止乃內傷濕熱

膏梁之疾也方見熱條及齒推斷露

子和澤州李繼之忽患牙痛皺眉不語樂景先曰曾記戴

人云陽明經熱有餘也宜下之乃付舟車丸七十粒服

畢遇數知友留飲強飲熱酒數盃藥為鹽酒所發盡吐之

吐畢而痛止李大服曰戴人神仙也不三五日又痛再服

前藥百餘粒天下數行乃愈

丹牙痛而腫

軟石膏 升麻 細辛 大黃

白芷 防風 羌活 連翹

川椒 青鹽 龍胆 荆芥

表

多食及者內傷濕熱

香附各分

右為細末搽患處

項治虫散治大寒犯腦牙齒疼痛及嘔風作痛虫痛胃經濕熱腫痛

麻黃去節

羌活

草薺各五分

吳茱萸各八分

藁本

白芷各三分

黃芪

升麻各一分

歸身

益智仁

黃連各四分

桂枝一分

羊脛骨灰

熟地各二分

右細末先用溫水淨漱口搽之

世獨活散治牙根腫痛

川芎

獨活

羌活

防風各半兩

細辛

荆芥

薄荷

生地各二分

右咬咀每服二錢水一盞煎六分溫服

皂

無一婦人牙痛治療不効口頰皆腫以金沸草散大劑煎湯薰漱而愈方見舌門

八味丸治虛壅牙痛浮腫方見治法腎虛余

本治牙齒腫痛用白礬一兩燒灰大露蜂房一兩微炙為散每服用二錢以水一盞半煎十餘沸乘熱燂牙冷即吐

運氣齒痛皆屬熱經云少陰在泉熱淫所勝齒痛頰腫治以鹹寒是也

世治牙齒痛用茱萸燒灰存性為末傅痛處累驗如無茱萸用糟茹亦可

世治牙齒痛

常山

大戟

防風

細辛

荆芥

枇杷葉

何首烏

薄荷

慈根鬚 川椒

右煎湯漱之極效

竹 追風散治諸般牙痛

貫眾 鶴風

荆芥 各等分

右咬咀每用二錢加川椒五十粒水一盞煎七分去渣熱漱吐去藥立效

干 治牙痛以蒼耳子五升水一斗煎五升熱含之疼即生吐後復含不過三劑瘥莖葉亦得 牙痛用胡荽子濃煎湯漱之

丹 齒痛首藤打碎含之噉津本草木部有首藤治齒疼

世 治牙齒疼痛蟾酥用銀珠摻和為丸如蘿蔔子大每用一九搽上患處便不疼至三九吐濃涎數口全愈

定痛散治牙風疼痛立效

細辛 生半兩 白芷 生

川烏頭 生各一兩乳香 錢

右為末每少許擦牙痛處引涎吐之須臾以鹽水灌漱

家藏雄黃定痛膏治牙齒疼痛

大蒜 二枚 細辛 苗

盆硝 另研各三錢 雄黃 另研一錢

猪牙皂角 四錢

右為末同木蒜一處搗為膏丸如桐子大每用一九將綿子裹藥左邊牙疼放在左耳右邊牙疼放在右耳良久痛止一九可治數人

透關散治牙疼

蜈蚣頭 蝎稍 去

草烏尖 如麥粒大者

川烏底 如錢蒲者 各七枚

雄黃 如麥粒大者 七粒 另研

胡椒 七粒

塞耳方

由涎方

右細末用紙捻子蘸醋點藥少許於火上炙乾塞兩耳內閉口少時即效

世又方治牙疼用巴豆一粒煨黃熟去殼用蒜一瓣切下頭作蓋封去中心安巴豆在內以蓋合之用綿裹隨患處左右塞耳中

刷牙方

右塞耳三法前一法治熱疼後二法治寒疼也無牢牙散去風冷蛀齒宜露用之甚效

槐枝各長四寸 柳枝四十九枝 皂角不蛀者七莖
鹽四十文重

右同入瓷瓶內黃泥固濟糠火燒一夜候冷取出研細用如常法有庵士年七十餘云祖上多患齒疼脫落得此方効數世用之齒白齊密乃良方也

垣白牙散

升麻錢一 羊脛骨灰錢二 白芷分 石膏錢半

麝香許少 右為細末先用溫水漱口擦之妙

麝香分一 升麻錢一 黃連錢二 白芷錢

羊脛骨灰 草薺各三錢半 歸身 防己酒浸

人參各三分 生地 熟地各二分 沒石子三枚

丹刷牙方

右為細末用如前法擦之神効
羊脛骨灰兩一 升麻錢一 黃連錢一

針灸

靈齒痛不惡清飲取足陽明惡清飲取手陽明

針灸齒痛不惡清飲取足陽明上齒痛亦如之經云邪客於足陽明之絡令人齕衄上齒寒刺足中指次指爪甲上與肉交者各一痛左刺右右刺左又云邪客五藏之間繆傳引上齒齒唇寒痛視其手背脈血者去之足陽明中指爪甲上一痛手木指次指爪甲上一痛立已左取右右取左王註謂足大指次指為中指也

齒痛惡清飲取手陽明下齒痛亦如之經云大腸手陽明之脈入下齒中是動則病齒痛頸腫視盛虛熱寒陷下調之又云手陽明之別名曰偏歷去腕三寸別入太陰虛則齒寒痺隔取之所別也又云齒齲刺手陽明不已刺其脈入齒中者立已是也

丹治齒痛金釵股火燒針痛處即止
撮牙痛牙槽 呂細灸之治上牙痛 二間一分沿皮向後三分

灸之治 委中 六分 瀉

下牙痛 世牙痛 足肉踝兩火 灸治 龍玄 在列缺上青脈 又法

承漿 風府

摘又法 合谷 內庭 不應取崑崙

甲齒痛 顙筓及三間主之 上齒齲 兌端及耳門主之

口中下齒痛惡寒頰腫商陽主之 齒齲痛惡清三間主

之 齒齲痛合谷主之 口齒痛溫溜主之 齒齲痛聽

會及衝陽主之 失欠下齒齲下牙痛頰腫下關主之

上齒齲痛惡寒者上關主之 下齒齲則上齒痛掖門主

之 齒齲痛四瀆主之 上齒齲腫目窻主之 上齒齲痛

惡風寒正營主之 牙齒齲痛浮白及完骨主之 齒牙

不可嚙斷腫角孫主之 上齒牙齲疼陽谷主之 齒齲

痛少海主之

診

腦痛筋急為寒

撮風牙疼大淵七分灸

靈鷲齒痛按其陽之來有過者獨熱在左左熱在右右熱在上上熱在下下熱論疾診尺篇

齒搖斷露

垣羌活散治風寒濕犯腦痛項筋急牙齒動搖內齦袒脫

麻黃去根 白芷各三錢 羌活根半錢 防風根三錢

藁本各三錢 細辛根 柴胡根

升麻各五分 蒼朮各五分 羊脛骨灰二錢

草薺各一錢 桂枝各一錢

右細末先用溫水漱口淨搽之其痛立止

黃連散治冬天寒時分風寒濕腦痛項筋急牙齒動搖疼

麻黃根 草薺皮 龍膽草酒洗二錢

生地二錢 羌活根半錢 防風根二錢 藁本三錢

羊脛骨灰 歸身 熟地各六分 細辛根許少

升麻根 黃連各一錢

右極細末依前搽之

牙疳腫痛為黃
并二 治牙齒根欲動脫生地細剉綿裹着齒上唾之日三四

錢甘露飲子治牙腫齒搖方見小兒痘腫咽痛

垣牢牙散治牙根肉綻有根牙疳腫痛動搖欲落牙齒不

長牙黃口臭宜用之妙夏月亦可

升麻兩 羌活兩 羊脛骨灰二

龍膽草酒洗一兩半

右為極細末以紗羅子羅細羊脛骨灰末和勻臨臥擦

牙妙

羅牢牙散擦牙

茯苓

石膏

龍骨各一

寒水石

白芷各半

細辛三

石燕大者一 小者二

右為細末早晚刷牙

垣麝香散治熱多寒少牙露根肉斷脫血出齒動欲落大痛妨食件寒少件熱多

麻黃

歸身

熟地

生地

人參

酒防已各三

升麻一

草薺

黃連各半

益智仁二分 麝香許

羊脛骨灰和

右細末依前法搽之

定牙方

垣還少丹常服牢牙齒方見治 虛實法

本治牙齒動搖髭鬚黃赤一服妙

生薑半斤

生地

一斤各洗淨研取 自然洗查留用

右用不蛀皂角十莖刮去黑皮并筋將前藥汁蘸皂角慢火炙令黃以藥汁盡為度并前藥同入磁罐用火煨留性為末牙齒動搖用藥指齒齦上髭黃用銀器盛藥末二錢湯調將藥汁蘸鬚時用次早已黑三夜三次用之其黑如漆妙甚此方常用屢驗

竹葉藜散治打動牙齒葉藜根燒灰貼動牙即牢

千治牙斷宣露每旦以鹽末擦牙後用熱湯含漱百遍不

過五日齒即牢密

治齒齦宣露蚯蚓糞水和為泥燒令極赤研如粉臘月猪

脂和傅上日三傳瘡

本取蛀牙本分法

鵬砂成塊者

硃砂各一

礪砂二

川鳥七

蟾酥餅

砒二錢色黃白有光
附子火各十四個

右和勻五月五日合者佳點藥于牙根上良以用手指
搽下次用復傳藥

防風 荆芥各五 乳香十五

右為末搽牙落處并用此手塞牙落孔子內

此二方余見一道人貨藥取于下日常貨三兩貫余厚
賂始傳得妙

世落牙方用馬肉十兩信巴豆各等分剉馬肉片以信巴
末拌勻用石器盛候出虫焙乾研末於牙落處出此血點
上隨落妙

木取牙落不犯手

草烏 草撥各五 川椒 細辛各三

右細末每少許搽患處自落

牙蛀牙不生

陽明畜血

海牙齒等齲數年不愈當作陽明畜血治之用菴仁承氣
湯為細末煉蜜丸桐子大服之好飲過者多得此疾屢服
有効菴仁承氣湯方見傷寒

丹治蛀牙痛內菴蘆細末於孔中勿蠱津神妙 又方用

塞蛀孔方

江子香油燈上燒過填入穴內
世治蛀牙腫痛用不蛀皂角一錠去皮子却用巴昔每於
皂子處安巴昔一粒用鹽泥固濟燒灰研細末用刺耳子
抄少許填入蛀牙內

外療齒齲痛有虫取雄雀糞以綿裹塞孔內日二次易
之良

丹靈齒用盧薈四分炒研細先用鹽搽淨齒傳少許

方用蘆薈白膠香塞蛀孔內 蛀牙取松脂銳如錐者塞孔中少頃虫出脂上

本治牙疼

鶴虱

細辛

白芷

乾茄各等分

右件為末每用少許搯痛處如有蛀孔用飯丸藥末塞孔中立效

世治牙蛀取用鶴虱枝插患處立愈

敷貼方 羅麝香散

麝香一分

銅綠五分

白芨

白礬各二分

白欬三分

右細末每少許貼牙患處

丹虫蝕牙根肉腐用棘針燒取瀝傅十餘次 又研雄黃末傅愈

治牙虫痛不可忍爵薰陸香蕪其汁立瘥即乳香之類

又方治牙虫腐爛用棘針二百枚用水二升煮一升合之妙

張治齲齒以郁李根白皮水煮濃汁含之冷即易之妙

山蛀牙温米醋漱出虫自愈 又風蛀牙疼用香白芷細辛煎漱之 又絲瓜兒燒灰存性擦之

薰法

虫牙疼天仙子不以多少燒烟用竹筒抵牙引烟薰之其虫即死永不發

世治蛀牙用小瓦片置油拌韭子燒烟閣在水碗上恰用漏斗覆之以蛀牙受漏斗口中烟其牙内虫如針者皆落水碗中累效

出涎方

羅救苦散治一切牙痛及寒風蛀牙疼

草烏

川烏

桂花

良姜

紅荳

胡椒

葦撓

細辛各五

石膏

官桂各三

右細末先漱淨裡外乾摻之出涎立愈

搗鼻旁葦撓散治風蛀牙疼

葦撓錢二

蝎梢

高良姜各一 草烏大五

右為細末每用半字先含水一口應痛處鼻內搗上吐了水用指粘藥少許擦牙疼痛處兼治漏正頭疼

牙不生法

經治大人小兒多年牙齒不生用黑荳三十粒牛糞火內燒令烟盡細研入麝香少許一處研勻先以針挑不生牙處令血出用藥少許搽不得見風忌酸醜物

髮黃白

髮落不生

腎

腎主髮經云腎之合血也其榮髮者是也
海張天師草還丹此藥久服輕身隨風而去如列子之乘

虛也若髮白者從根而黑如未白者永不白有不信者將藥拌飯與白猫吃一月即黑

地骨皮

生地

石菖蒲

牛膝

遠志心去

兎絲子酒浸三日宿妙黃

右各等分為細末煉蜜丸如桐子大每服三十丸空心

溫酒送下鹽湯亦得修製忌女人雞犬見此上少陰下厥陰藥也

恒青絲散補虛生牙黑髮鬚

香白芷

白茯苓各五錢 母丁香

細辛

當歸

川芎

甘草

甘松各三

升麻

旱蓮草

地骨皮

生地

熟地

青塩

破故紙各二錢

寒水石煨錢

香附米

一兩生薑汁浸一宿炒

何首烏一

麝香分五

高茶末

雜方

右為細末更日為始背東面西擦牙早不見白夜不見
燈刷畢鹽藥餘津潤髮一月白者頓黑忌食蘿蔔

本治髮黃黑方見牙動搖

草李卿換白髮方云刮老生姜皮一太升於鐺中以文武
火煎之不得令過沸其鐺惟得多油膩者尤佳更不須洗
刮便以姜皮置鐺中密封固濟勿令通氣令一精細人守
之地色未分時便須煎之緩緩不得令火急如其人稍疲
即換入看火一伏時即成置於磁鉢中研極細李方雖曰
一伏時若火候勻至日西即藥成也使時以小簪脚蘸取
如麻子大先於白髮下點藥訖然後按之再點以手指點
擦之令入肉第四日當有黑者生神效

梅治年少髮白拔去白者以白蜜塗毛孔中即生黑髮不
生取桐子搗汁塗上必生黑者

千療髮黃能脂塗髮梳之散頭入床底伏地一食頃即出
便盡黑不二升脂驗

髮落不生

恒脈弦氣弱皮毛枯槁髮脫落黃芪建中湯主之髮脫落
及臍下痛四君子湯加熟地

虛 濕寒

丹胡氏年十七八歲髮脫不留一莖飲食起居如常脈微
弦而瀋輕重皆同予曰此厚味成熱濕痰在腸間又曰多
吃梅酸味收濕熱之痰隨上升之氣至於頭蒸薰髮根之
血漸成枯槁遂一時盡脫遂處以補血升散之藥用防風
通聖散去芒硝惟木黃三度酒炒兼以四物湯酒製合和
作小劑煎以灰湯入水頻與之兩月餘後診其脈濕熱漸
解停藥淡味調養又一年髮長如初而愈

竹滋榮散長養髮髮落最宜

雜方

生薑乾

人參一

右細末每用生薑一塊切斷醮藥末於髮落處擦之
日一次用

世三聖膏治髮脫落能令再生

黑附子

蔓荊子

栝子仁各半

右為末烏雞脂和勻搗研乾置瓦合內封固百日取出
塗在髮脫處三五日即生自然牢壯不脫

本甜瓜葉治人無髮搗汁塗之即生

千治髮落不生令長麻子一升熬令黑壓油以傅頭髮上

妙

聖治生眉毛用七月烏麻花陰乾為末生烏麻油浸每夜
傅之烏麻即秋麻是也

二陰

此方黑色入通於腎開敷於二陰論真

前陰縮縱等疾屬肝經病見肝部

後陰痔脫肚等疾屬大腸腑病見肺部

欠嚏

腎上左

腎主欠嚏經云腎為欠為嚏是也

運氣

運氣欠嚏有三

一曰寒經云太陽司天寒氣下臨心氣上從寒清時舉動
嚏喜悲數欠是也

二曰火經云少陽司天之政三之氣炎暑盛民病嚏欠是
也

三曰濕鬱其火經云陽明司天之政初之氣陰始凝民病
中熱嚏欠是也

欠伸

陽明厥陰

運氣

二陽一陰發病主驚駭背痛善噫善欠全文見診病傳變王註云氣鬱於胃

治以辛是也

針灸

仲中寒家善欠靈黃帝曰人之欠者何氣使然岐伯曰衛氣晝日行于陽夜半則行于陰陰者主夜者主陽者主上陰者主下故陰氣積于下陽氣未盡陽引而上陰引而下陰陽相引故數欠陽氣盡陰氣盛則目瞑陰氣盡陽氣盛則寤矣瀉足少陰補足太陽口問篇

火熱

噫

河噫鼻中因痒而氣噴作于聲也鼻為肺竅痒為火化心火邪熱干于陽明發于鼻而痒則噫也或故以物擾之痒而噫者擾痒屬火故也或視目而噫者由目為五藏神華太陽真火晃耀于目心神躁亂而熱發于上則鼻中痒而噫也

運氣

運氣噫有三

一曰熱火經云少陰司天之政熱病生於上民病血溢熱噫又云少陰司天熱氣下臨肺氣上從病噫熱又云少陰之復燥熱內作煩躁熱噫又云少陽所至為熱噫又云少陽司天火氣下臨肺氣上從欬噫熱治以諸寒是也二曰金不及火乘之經曰金不及曰從革從革之紀其病噫咳熱飰從火化者是也

針灸

三曰燥金經云陽明所至為鼽嚏是也
靈黃帝曰人之嚏者何氣使然岐伯曰陽氣和利滿於心
出於鼻故為嚏補足太陽榮眉本一曰眉上也口問篇也眉本恐攢

竹

撮腠理不密噴嚏不已風門一分沿皮向後

仲其人清涕出發熱色和者善嚏

身軀拘急

運氣

運氣拘急屬寒及寒濕風濕經云諸寒收引皆屬於腎又
云太陰司天之政民病寒厥拘急初之氣風濕相搏民病
經絡拘強關節不利治法蓋小續命湯仲景三黃湯之類
是也

夢遺 白濁

丹精滑專主濕熱用黃柏知母牡蠣蛤粉 夢遺專主熱

大法

虛實
寒熱

與帶下同治法

本治夢遺有數種下元虛憊精不禁者宜服茴香丸年壯
氣盛以即淫慾經絡壅滯者宜服清心丸有情慾淫動經
謂所愿不得名曰白淫宜良方茯苓散正如瓶中煎湯氣
盛盈溢者如瓶中沸湯而溢慾動心邪者如瓶傾側而出
憊虛不禁者如瓶中有罅而漏不可一槩用藥也又有
說經曰腎氣閉即精泄素問云腎者作強之官伎巧出焉
又曰腎藏精蓋腎能攝精氣以生育不倫者或育或散
皆主於腎今腎氣衰則一身之精氣無所管攝故妄行而
出不時也猪苓丸下方正為此設

虛憊不
禁者補
虛瀦精
根皮丸

垣面色白而不澤○難經云肺大過則令人面白善嚏悲

愁不樂欲哭面色白為寒脈沉厥急按之空虛色白脫氣
又為脫血又為脫津又為脫液又為脫精又為脫神是元
神漂浮乎外將離軀之象也其脈按之不鼓猶為亡陽况
虛空者乎病乃陰寒極矣若脈或盛大而濇猶為中寒之
病也况虛空者乎宜峻補之
巴戟丸治肝腎俱虛收斂精氣補其元陽充悅肌膚進美
飲食

五味子

川巴戟去心

肉蓯蓉洗酒

兔絲子炒

人參

白朮

熟地

骨碎補去

茴香

牡蠣

白龍骨

覆盆子

益智仁各等分

右為末煉蜜丸桐子大每服三十九空心食前米飲下
日二三服補精止汗虛甚者用八
物湯吞之

本治遺精夢泄關鎖不固金鎖丹亦名茴香丸

舶上茴香

葫蘆巴

破故紙

白龍骨略一

木香一兩

胡菴三十個研

羊腎膏三對取開用鹽半兩擦炙熟研如膏

右五味為末下二味同研成膏和酒浸蒸餅杵熟丸如

桐子大每服三五十九空心鹽湯下

羅固真丹

晚蚕蛾二

肉蓯蓉

白茯苓

益智略一

龍骨

右用鹿角膠酒浸化開丸桐子大每服三粒空心温酒
下乾物壓之

補真玉露丸治陽虛陰盛精脫淫瀼脛酸一方無茯苓

白茯苓去

白龍骨水

韭子酒浸炒

兔絲子酒浸各等

修合

右為末煉蜜丸如桐子大每服五十九溫酒下湯亦
得空心食前服少時以美饌壓之梅師方止用龍骨
心酒調服方寸匕治朱精暫睡即泄聖惠方止用非子
微炒為散食前酒下錢七治夢中泄精外臺方用新
非子二升十月霜後枯者好酒入合浸一宿明日色
好金童子向南搗方將平且溫酒服方寸匕治虛勞
尿精而服立瘥此龍骨非子為泄精要藥也

梅治精滑久不固牡蠣不拘多少砂鍋內醋焙七次細末
醋糊丸桐子大每五十九空心鹽湯下

右龍骨牡蠣治夢遺例王元珪虛而泄精脈弦大累與
加減八物湯吞河間秘真丸及珍珠粉丸其泄不止後
用五倍子一兩茯苓二兩為丸服之良愈此則五倍子
瀉脫之功敏於龍骨蛤粉也

河秘真丸治白淫小便不止精氣不固及有餘瀝或夢寐
陰人通洩思想外淫者鎮心遺洩

龍骨一刃 大訶子波個 硃砂一分
另研 研細 分為衣

右為末麩糊丸葦葶火每服工二十九空心溫酒下熟
水亦得不可多服太秘

本治虛損補精水壯筋骨益心智安魂魄令人悅澤駐顏
輕身延年益壽閉固天癸八仙丹

伏火硃砂 真磁石 赤石脂 代赭石
石中黃 禹餘糧 乳香 沒藥各一

右為末研勻極細糯米濃飲丸桐子大或葶火每服一
粒空心鹽湯下有入年幾七旬憂漏羸弱氣愷愷然虛
損得此方服之頓再強壯精氣閉固飲食如故予常製
自服良驗

經云思想無窮所愿不得意淫於外入房大甚宗筋施縱

年壯節
欲精溢
者降火
補陰

發為白淫夢遺等症先賢治法有五 右法用辰砂磁石
 龍骨之類鎮陰神之浮游是其一也 其二思想結成痰
 飲迷於心竅而遺者許學士用猪苓丸之類導利其痰是
 也方見治 其三思想傷陰者蒙古珍珠粉丸用蛤粉黃
 柏降火補陰是也熱條 其四思想傷陽者謙甫鹿茸菴
 蓉兔絲子等補陽是也濁條 其五陰陽俱虛者丹溪
 治一形瘦人便濁夢遺作心虛治用珍珠粉丸定志丸服
 之定志丸者遠志菖蒲茯苓人參是也
 年少壯節欲遺泄者宜清心丸珍珠粉丸清心方
 珍珠粉丸治白淫夢遺泄精及滑出不取
 黃柏皮一斤新瓦 真蛤粉斤
 右為細末滴水丸如桐子大每服一百丸空心溫酒送
 下法曰陽盛乘陰故精泄也黃柏降火蛤粉鹹而護腎

陰

丹精滑不禁方用海蛤粉青黛香附黃柏知母之類

海大鳳髓丹治心火狂陽大盛補腎水真陰虛損心有所
 欲速于感動應之于腎疾于施泄此方固真元降心火益
 腎水大有神效

- 黃柏炒二 縮砂一 甘草半 半夏炒
- 水猪苓 茯苓 紅蓮蕊 益智仁各二
- 分

右為丸每服五七十九若只用黃柏甘草縮砂三味為
 正鳳髓丹只用黃柏甘草二味為小鳳髓丹古人云瀉
 心者非也乃瀉相火益腎水之劑

本治經絡熱夢遺心忪恍惚膈熱清心丸用好黃柏皮一
 兩研為細末生腦子一錢同研勻煉蜜為丸如桐子大每

有熱時
熱數為

小腹急
陰頭寒
脈孔遲
為寒

服十九至十五丸濃煎麥門冬湯吞下大智禪師云夢遺不可全作虛冷亦有經絡熱而得之也嘗治一男子至夜脊心熱夢遺用珍珠粉丸猪苓丸遺止終服紫雪春熱始除又一男子脈洪腰熱遺精用沉香和中丸下之導赤散治其火而愈於此知身有熱而遺者皆熱遺也

仲夫失精家少腹弦急陰頭寒目眩髮落脈極虛孔遲為清穀亡血失精脈得諸孔動微緊男子失精女子夢交桂枝龍骨牡蠣湯主之

桂枝

芍藥

生姜各三

甘草二

大棗十二

龍骨煨

牡蠣煨各三

右七味水七升煮三升分溫三服

天雄散方

天雄炮

龍骨各三

白朮各

桂枝各

清之不
止為虛
寒

右四味杵為散酒服半錢七日三服不止稍增之愚壯年得夢遺症每四十五日必一遺累用鳳髓丹河間秘真丸雖少效終不除根後改用菖蒲遠志韭子桑螵蛸益智酸棗仁牡蠣龍骨瓊陽等劑為丸服之良愈又下中年男子夢遺以珍珠粉丸等藥與服了無下效亦以遠志菖蒲等劑服之隨手而愈

泄之反
甚為難
滯

本猪苓丸用半夏一两破如荳大猪苓末二兩先將一半炒半夏色黃不令焦出火毒取半夏為末糊丸桐子大候乾更用前猪苓末一半同炒微裂入砂瓶內養之空心溫酒鹽湯下三四十九丸常服於申未間溫酒下○此古方也今盛行於時而人多莫測其用半夏有利性而猪苓導水蓋腎閉導氣使通之意也予醫囊中嘗貯此藥緩急與人三五服皆隨手而驗林監丞庇民亦數服而愈

詳此治遺方屬鬱滯者居夫半庸醫不知其弊但用龍骨牡蠣等潛劑固脫殊不知愈瀉愈鬱其病反甚常治一壯年男子遺白濁少腹有氣衝上每自腰熱印作西涼腰熱作則手足冷前陰無氣腰熱退則前陰氣耕手足溫又且多下氣暮多噫時振隔一旬二旬必遺脈且弦滑而大午洪大子知其有鬱滯也先用沉香和中丸大下之次用加減八物湯吞滋腎丸百粒若稍與蛤粉等潛藥則遺與濁反甚或一夜二遺遂改用導赤散太劑煎湯服之遺濁皆止漸安又一中年男子皆夢遺或與渣藥反甚連遺數夜愚先與神芩丸大下之却製此猪苓丸服之皆得痊安又丹溪先生治鎮守萬戶蕭伯善便濁精滑不禁百藥不效與試倒倉法而安於此見遺屬鬱滯者多矣

丹治精滑不禁用局方青州白丸子用辰砂為衣服之神効

海烏金散治夢泄精滑不禁九助驚甲每服二浮用清酒半盞童便半小盞陳葱白七八寸同煎七分和香日兩服

本草云驚甲主心腹癢瘕堅積

垣治男子夢與鬼交心神恍惚者刮鹿角屑三指撮日二服酒下食療同本草云鹿角屑逐惡氣惡血

玉遺精白濁夜夢鬼交心俞先補後瀉灸不宜多

白環俞一寸半瀉六

撮又法白環俞一寸半灸五十壯與中極相平腎俞中極壯隨年壯

集又法腎俞心俞膏肓關元三陰取

東腰脊冷溺多白濁失精脾募三七曲泉灸

虛勞失精陰縮莖中痛大赫三七中封灸

針灸

華遺精五臟虛竭東陽 曲骨端四七壯在陰橫骨中

東溺血精出列缺五分

甲丈夫失精中極主之男子精溢陰上縮太赫主之

男子精溢脛痠不能久立然谷主之男子精不足太衝

主之

濕痰

白濁

丹便濁大槩皆是濕痰流注宜燥中宮之濕用二陳湯加
蒼朮白朮燥去其濕肥白人必多濕痰以二陳去其濕熱
胃弱者兼用人參以柴胡升麻升其胃中之氣胃中濁
氣下流必用二陳加蒼朮白朮柴胡升麻一婦人年近
六十形肥奉養膏粱飲食肥美中焦不清積為濕氣流入
膀胱下注白濁白濁即濕痰也用二陳去痰蒼朮白朮去
濕補胃加升麻柴胡升胃中之清氣服四貼後濁白大半

却覺胃滿用柴胡升麻升動胃氣痰阻滿悶而然間用二
陳湯加炒麩白朮香附以泄其滿若素無痰者雖升動胃
氣不滿也兼用青黛樗皮蛤粉炒黃柏炒乾姜滑石為末
炒神麩糊丸服之

凡便濁服藥必兼服加減珠粉丸

蛤粉

青黛此二味主胃中濁

樗皮末大燥

滑石

黃柏

乾姜炒相色味苦斂肺氣
下降使陰血生乾姜

右為末炒神麩為丸

又方

黃柏焦炒

黃柏生

蛤粉各一

神麩醉

右為末滴水丸服

白濁者濕熱傷氣又下不正此係火不守也知母黃柏炒

白濁濕熱傷氣

赤濁濕
熱傷血

附子各等分水丸服
赤濁者濕熱傷血於二陳湯中加白帶藥仍用炒栝蛤粉
椿皮滑石青黛以神麴為丸一方加乾姜炮褐色固而不
走

虛寒

羅白淫諸症○痿論曰思想無窮所願不得意淫於外入
房太甚宗筋弛縱發為筋痿及為白淫夫腎藏天上一以慳
為事志意內治則精全而瀆若思想外淫房室太甚則固
有淫洩不守輒隨瘦溺而下也然本於筋痿者以宗筋弛
縱也

內補鹿茸丸治勞傷思想陰陽氣虛益精止白淫

- 鹿茸 麋 兔絲子 酒浸 菝葜 炒 白蒺藜
- 肉苁蓉 紫苑 蛇床子 酒浸 黃芪
- 桑螵蛸 陽起石 附子 炮 官桂 各等

右為細末煉蜜為丸如桐子大每服二十九丸食前溫酒

送下

茯苓丸治心氣不足思慮太過腎經虛損其陽不固溺有
餘瀝小便白濁夢寐頻泄

- 兔絲子 酒浸 石蓮 去壳 白茯苓 去皮

右為細末酒糊為丸如桐子大每服三十九丸鹽湯下常
服鎮益心神補虛養血清小便
金箔丸治下焦虛小便白淫夜多異夢遺泄

- 蚕蛾 破故紙 炒 韭子 炒 牛膝 酒浸
- 肉苁蓉 龍骨 山茱萸 桑螵蛸
- 兔絲子 酒浸 各

右為細末煉蜜為丸如桐子大每服三十九丸溫酒空心
下

王瓜散治小便自利如泔色此腎虛也

王瓜根

桂心各一

白石脂

兔絲子酒

牡礪鹽泥燒赤候冷去泥各二兩

右為末每服二錢煎大麥粥湯調下日三服食前

楊氏葶藶分清飲治白濁凝面如油光彩不定凝脚如糊

益智仁

川葶藶

石菖蒲

烏藥各等

右咬咀每服四錢水一盞入鹽一檢煎七分食前溫服

下方加茯苓甘草

診

恐與驚悸相似實非驚悸也張子和云驚者為自不知故也恐者為自知也蓋驚者聞響即驚恐者自知如人將捕之狀及不能獨自坐臥必須人為伴侶方不恐懼或夜必用燈照無燈燭亦恐懼者是也

腎

肝胆

胃

心

因恐得之為腎

臟腑恐有四

一曰腎經云在臟為腎在志為恐又云精氣并於腎則恐是也餘見虛條及針灸條

二曰肝膽經云肝藏血血不足則恐戴人曰膽者敢也驚

怕則膽傷矣蓋肝膽實則怒而勇敢肝膽虛則善怒而不

敢也餘見同上

三曰胃經云胃為恐是也

四曰心經云心怵惕思慮則傷神傷神則恐懼自失者是也

也

冊周本心年六十歲形氣俱實因大恐正月間染病心不自安如人將捕之狀夜臥亦不安兩耳後亦見赤光炎上食飲雖進而不知味口乾而不欲食以人參白朮當歸身為君陳皮為佐加鹽炒黃柏炙玄參各少許煎服自愈月

眩而恐
為胆虛

餘而安經云恐傷者丹溪用益炒黃柏炙玄參引參歸等藥又補腎足少陰終也
木治膽虛常多畏恐不能獨臥如人捕之狀頭目不利人

參散

人參

枳殼

五味子

桂心

甘菊花

茯神

山茱萸

枸杞子各三

栝子二

熟地各一

右細末每二錢溫酒調服

治膽虛令目眩頭疼心神恐畏不能獨處脅中滿悶茯神散

茯神兩

遠志

防風

細辛

白朮

前胡

人參

桂心

熟地

甘菊花各三枳殼兩

右為末每服三錢水一盞姜三片煎六分溫服不拘老

幼皆宜服

治膽虛目暗喉痛數唾眼目眩冒五色所障夢見被人毆訟恐懼面色變者補膽防風湯

防風

人參

細辛

芎藭

甘草

茯苓

獨活

前胡各八

右粗末每四錢水盞半煎一投煎六分去渣食前服

運氣善恐皆屬肝木虛經云木不及曰委和委和之紀其病淫動注恐是也

針灸

內經針灸善恐有三

其一取腎經曰腎足少陰之脈是動病氣不足則善恐心惕傷如人將捕之虛則補之寒則留之是也

其二取肝經云肝虛則目眈眈無所見耳無所聞善恐如人將捕之取其經厥陰與少陽是也

其三取膽經云膽病者善太息口苦嘔宿汁心下澹澹恐
人將捕之取陰陵泉又云善嘔嘔有苦善太息心中憺憺
恐人將捕之邪在膽逆在胃膽液泄則口苦胃氣逆則嘔
苦故曰嘔膽取三里以下胃氣逆則少陰血絡以閉膽逆
却謂其虛實以去其邪是也

胆心如懸哀而亂善怒盜內腫心惕惕恐如人將捕之多
涎出喘以氣吸吸不足以息然谷主之澹澹而善驚恐
心悲肉閔主之作曲

甘草

芍藥

茯苓

白朮

醫學綱目卷之二十九



